



Broj: 01-08-1434-5/23

Datum: 24.10.2023. godine

Na osnovu člana 100. stav (3) Zakona o javnim nabavkama („Službeni glasnik BiH“ broj 39/14 i 59/22), u daljem tekstu ZJN, člana 108. stav (4) i člana 199. stav (3) Zakona o upravnom postupku („Službeni glasnik BiH“ broj 29/02, 12/04, 88/07, 93/09, 41/13 i 53/16) rješavajući po žalbi ponuđača/kandidata „GRADPROM“ d.o.o. Srbac, Mome Vidovića bb, Srbac, izjavljena putem iskazanog punomoćnika advokata Mile Antić iz Banja Luke ul Veselina Masleše bb, Banja Luka izjavljenu na tendersku dokumentaciju preuzetu sa portala javnih nabavki dana 20.10.2023. godine, broj obavještenja o nabavci 755-7-1-155-3-53, objavljene dana 19.10.2023. godine, koja se odnosi na „Informatička oprema računari“, broj 01-08-1434-3/23, direktor Zavoda donosi sljedeću

### **ODLUKU** **o usvajanju žalbe**

1. Usvaja se kao osnovana žalba ponuđača „GRADPROM“ d.o.o. Srbac, Mome Vidovića bb, Srbac, izjavljena putem iskazanog punomoćnika advokata Mile Antić iz Banja Luke ul Veselina Masleše bb, Banja Luka u postupku javne nabavke „Informatička oprema računari“ broj 01-08-1434-3/23, objavljena na portalu javnih nabavki obavještenjem o nabavci broj 755-7-1-155-3-53, objavljene dana 19.10.2023. godine.

2. Ova odluka je osnov za preduzimanje radnje ispravljanja od strane Ugovornog organa i izmjenu Tenderske dokumentacije broj: 01-08-1434-3/23.

3. Ugovorni organ će o preduzetoj radnji izmjene obavijestiti sve potencijalne učesnike u postupku, te će ova Odluka biti objavljena na web stranici ugovornog organa.

4. U pogledu zahtjeva žalitelja za naknadu troškova po predmetnoj žalbi, ugovorni organ će donijeti poseban zaključak.

5. Odluka stupa na snagu danom donošenja

### **Obrazloženje**

Ugovorni organ JU Zavod za medicinu rada Kantona Sarajevo je pokrenuo konkurentski postupak javne nabavke „Informatička oprema računari“ broj: 01-08-1434-3/23. U predmetnom postupku javne nabavke na tendersku dokumentaciju broj: 01-08-1434-3/23 potencijalni ponuđač „GRADPROM“ d.o.o. Srbac, Mome Vidovića bb, Srbac, izjavljena putem iskazanog punomoćnika advokata Mile Antić iz Banja Luke ul Veselina Masleše bb, Banja Luka, a koja je kod ugovornog organa zaprimljena dana 23.10.2023. godine, protokolirana pod brojem: 1661/23.

Ugovorni organ JU Zavod za medicinu rada Kantona Sarajevo konstatuje da je žalba blagovremena, dopuštena i izjavljena od ovlaštenog lica.

U žalbi žalioaca navedeno je da tenderska dokumentacija nije sastavljena u skladu sa odredbama Zakona o javnim nabavkama („Službeni glasnik BiH“ broj 39/14 i 59/22) zbog slijedećih navoda:

Žalbeni navod se odnosi na obrazac za cijenu ponude – robe dat u Aneksu 2 predmetne tenderske dokumentacije na strani 10.

U obrascu za cijenu ponude – robe pobijane tenderske dokumentacije Ugovorni organ navodi:

- Vrsta uređaja PC

- Brandname računar
- Forma Tiny
- Procesor: Intel i5 12-te generacije
- Grafika: Intel HD

Iz navedenog je vidljivo da je ugovorni organ proizvode opisivao sa tačnim nazivom, odnosno nazivom robne marke. Ugovorni organ je kod opisa procesora uputio na tačno određen proizvod proizvođača „Intel“ (Intel i5). Kod opisa grafičke kartice ugovorni organ uputio je na tačno određenu robnu marku.

Ovako propisani uslovi u obrascu za cijenu ponude – robe na strani 10. tenderske dokumentacije su kršenje člana 54. stav (1) Zakona o javnim nabavkama („Službeni glasnik BiH“ broj 39/14 i 59/22) propisano je da tehničke specifikacije moraju svim ponuđačima omogućiti jednak i nediskriminirajući pristup nadmetanju.

Kao i kršenje člana 54. stav (9) Zakona o javnim nabavkama („Službeni glasnik BiH“ broj 39/14 i 59/22), a u kojem je propisano:

„(9) Osim ako nije opravdano predmetom nabavke, u tehničkoj specifikaciji ne smije se uputiti na određenog proizvođača, na porijeklo ili na poseban postupak, na marke, patente, tipove ili određeno porijeklo, ako bi se time pogodovalo ili bi se isključili određeni privredni subjekte ili određeni proizvodi. Takve napomene dopuštene su samo ako se predmet nabavke ne može dovoljno precizno i razumljivo opisati, ali se bez izuzetka moraju označiti sa dodatkom "ili ekvivalent". Nepoznavanje predmeta nabavke ne oslobađa ugovorni organ obaveze za definisanje predmeta nabavke na stvarno konkurentskoj osnovi.“

Žalitelj predlaže da ugovorni organ usvoji žalbu u cjelosti, svojim rješenjem ispravi tendersku dokumentaciju u skladu sa zakonskim propisima

Ugovorni organ je žalbu razmotrio i ugovorni organ iznosi da je ista osnovana. Ugovorni organ će izvršiti ispravku tenderske dokumentacije u dijelu na koji se odnosi žalbeni navod, te izmjenu objaviti na portalu Agencije za javne nabavke.

Slijedom svega izloženog, donesena je odluka kao u dispozitivu.

Ugovorni organ JU Zavod za medicinu rada Kantona Sarajevo će žalitelju nadoknaditi troškove po predmetnoj žalbi o čemu će se donijeti poseban zaključak.

Pouka o pravnom lijeku

Protiv ove Odluke može se izjaviti pismena žalba Uredu za razmatranje žalbi (URŽ) putem Ugovornog organa u roku od 5 (pet) dana od dana prijema ovog Rješenja.

Dostaviti:

- Advokat Mile Antičić iz Banja Luke ul Veselina Mašleše bb, 78000 Banja Luka
- Web stranica JU Zavod za medicinu rada Kantona Sarajevo
- a/a

Direktor

